

12th April 1898

大清光緒廿四年

本館新開除禮拜外日出一張諸君賜閱本報者無論本埠外埠均可函致本館取閱如外埠閱報加寄費不可也除日報外常刊送外復不惜工本從英國採辦釘書裁紙各機器以待與各官紳刊印書籍單件並有英法各國活字及各式花邊等延有西人排印工藝甚精所有中西文字均能刊印並精工刊印字大小機器均用精工刊

第五千零八十三號

申報



本館開設在舊巴口門牌第七號

印工綴絕倫並延有文士書寫各種文字現由上海購到各種書籍出售其書目另行刊佈所有各項原稿其有無關世道人心者附登否亦須無礙於人而後始錄其有謬誤成文以後支離費解者概不登錄更須寫真爵里而後敢將原稿收回也本館謹白

戊戌九月十八日

大英一千八百九十年十一月一號 禮拜二 每張售錢五文 每月一元 每日售錢五文

棧間出稅 ○茲敝號有新棧二間座落豐榮火確邊三落水極便長一百十二脚氣闊三十六脚氣如諸商翁要租者祈移玉到敝號內相商此佈 光緒二十四年九月十八日 豐源號謹啟
廈門平耀局告白 ○茲接三寶龍續滙由建隆興來大銀肆仟元容不日捐册寄到當即將各善長芳名一齊刊登 大清光緒二十四年九月十八日 廈門平耀駐叻籌捐董事公啟 晶

中西兵法異得失論

從來國家之立立於民非立於兵也國家之強強於民非強於兵也未有不治民事而能治兵事者亦未有不脩民政而獨脩兵政者活活兵法何為哉雖然蒙竊聞其累焉我朝龍興遼瀋孤矢以威天下八旗子弟悉入戎行萬眾一心如使指臂應合三代遺制事後世給餉稍分隸京師各省約二十萬有奇是謂駐防兵其各省省制兵水汛陸鋪緝捕防守約六十萬有奇是謂綠營兵始以旂兵不敷用增調綠營繼以不足特增設練勇今分隸各省亦約十餘萬然三百年來屢平大亂闔地周六萬餘里武功之盛卓越前古自泰西互市邊釁日開一敗於津沽再敗於馬江三敗於旅順議者咸歸咎統率之不專召募之不善器械之不利營陣之不精遂欲規仿西法為自強計嗚呼其亦不揣其本而齊其末者矣且夫中土自三代以降歷四千餘年更二十餘代無代不受外夷之害中原財力大半銷耗於兵事之中及其久也卒能同我文軌論者謂中土之兵靖內亂則有餘禦外患則不足此亦非篤論孟子有言仁者無敵又曰保民而王莫之能禦孟津之誓曰同心武候之用兵曰攻心必能得民心而後得兵心兵心得而後天時地理堅甲利兵皆不足以及我今欲效西人之法而終未得華人之心吾恐委而去之雖盡得西法之精髓亦不足以善其後若第仿西法即可自強也者則如北洋李傅相水師武備海軍各章程非不詳備也南洋張制軍添設練軍疏非不精密也胡芸楣京兆變法自強疏請減兵各節凡所以用西變中者非不條分縷析綱舉目張也或已續危言書三水胡翼南改革新政議所論練兵各節凡所以用西變中者非不條分縷析綱舉目張也或已見實事或尚實空言即便次第舉行著有成效遂足以駕馭泰西乎吾恐其未必能也且西法之強如果在兵則以俄德陸師之盛何以不能滅土耳其以呢黑海一不能合意大利而跨地中海如英法水師之雄何以不能控馭合眾國以拓西土一不能報復普魯斯以振國威而獨跨越亞州翦滅中國之藩屬處劉中國之邊郵可見泰西之民心合中國之民心也而初不係乎用兵之得失也今欲得民之心莫如君與民親則官之權失官與民親則吏之權失夫而後肺隔之病除中飽之弊絕隱情可以上達膏澤可以下施郵商以裕財之源造士以立政之本國威張國勢振國權重便泰西各國生其敬畏雖不用兵不啻盡為我用何也亞歐兩洲已成戰國之局類皆勢均力敵莫能相向獨於中國之盛衰強弱幾有一折足而偏重之勢不得不羣起而輔翼之中國荷能自立可坐收守在四夷之效若僅以規仿西法為自強正不知其貽害伊何底止也且中西異同得失之故有萬不能強合者自秦開阡陌而田賦之制廢惟唐之府兵法稍近古故八旗兵制非不盡善而不能概施之十八行省今美法德民盡為兵其擇將也悉由學堂考錄其選兵也悉由醫生驗收年自二十以充營兵五年戰兵四年留兵五年戍兵六年至四十以上方免徵調官兵而外又有民兵以資守禦一旦有警立集數百萬不煩招募其間恩免之條極備撫卹之典極優且武可統文不能制武故民不以兵為恥而無所苦故能餉不虛糜額常充足此中西所不能合法者一也且西國水陸各軍聚屯要隘一聞電調立由鐵路火輪馳至至各處摺鋪汛緝皆責之民兵巡捕是備兵專為折衝禦侮之用既無珍域之見又乏守禦之勞且厚給餉俸以贍家室隨時瓜代以郵勤劬故士皆樂用恩信相孚此中西所不能合法者二也西國之士商紳富無不入伍効力國家又為設立銀行悉入民間財產而代為經理國富即民富國貧即民貧上下一心互相保護得一屬地加意經營與民同沾利益故能人人思奮不以其本而齊其末者吾不知其流弊伊何底也至各省兵制載在會典練勇經制亦有先達遺法可循即泰西兵法譯有專書甚備其間孰得孰失因革損益無不詳實用悉屏弗述不敢侈紙上空談也

上諭恭錄

○九月初一日奉 上諭慈禧端佑康頤昭豫莊誠壽恭欽獻崇熙皇太后懿旨前因

國家制治邦綱常名教巨古為昭至於條理損益隨時變通盡利本無一成之法前因中外積弊過深不得不因時制宜力加整頓而宵小之徒竊變法之說為煽亂之謀業經嚴拿懲治以遏橫流至一切政治有闕國計民生者無論新舊仍應次第推行不得因噎廢食迭經明降諭旨切宣示大小臣工當能仰體此意惟言事諸臣往往胸無識見即如亂謀方張之日內外章奏能灼見先機防微杜漸者並不多見迨至事後或且仰窺意旨掠名希榮抑朝廷用人行政一秉大公執兩用中不偏不倚用特再行申諭嗣後內外臣工務當精白乃心一化新舊之見凡所建白期有裨時局不得妄意揣摩甚或挾私攻訐是非所在自難逃洞鑿也將此通諭知之欽此

法京近報 ○昨電有言法國總統已諭柳卓延擯廷僚一事茲聞柳承命後已將諸員選定而柳自為軍機大臣兼議政院主席不刺施擯為兵部尚書前西貢總督軍士丹為刑部尚書惟前外部大臣尼加施則仍留本任云云觀其仍留外部不易他人則可知英法之事刻尚未能了局故不便遠易生手也

呂宋風電 ○頃接十五日電稱現在呂宋東南境之天氣大覺不佳有風向南而馳十六日十一點半鐘時又接來電稱風勢已轉而北向諒必將至太平洋面嗣又接到續信言此風之力向小係趨西北而馳是晚十點鐘時又接港電稱柳順之西南境現有颶風此風趨往何所則猶未得而知也

美班會議情形 ○小呂宋來信云該處現接法京來電云西本月十四號美班兩國使臣在於法京會議飛獵邊之事異常決裂在班國則謂宜將此地交回班掌惟美國執不允從班使又言請將此事交與俄德兩國公議如何美使亦不允從因是之故遽行停議云云至十八號再接法京電稱班國之使若仍如此囑強則美班兩國恐有再行啓釁之勢然觀班使所為實儼然有故撩釁端之意想必有他國密許相助故敢出此然美固強國當斷不能為他國所攝者也

俄國暹地 ○俄國近來汲汲經營東方屯練之所以便俄船東渡往暹春旅順等處者得以在途添載煤糧故久欲在於地中海太平洋印度海并紅海一帶尋求善地向未克成今又聞俄意欲在檳城之北暹羅所屬之地求取一島以便儲煤在俄皇之意則以為暹王前者言往俄京俄皇待之甚優今向其請贖一地諒不難允從其意如此夫東道應酬虛情款洽遂以為有德於彼公然向其請地是與戰國時之強秦何異藐茲暹國又何敢抗強俄之請噫觀近來各大國之舉動竟與戰國時無異益足見弱小者之難乎為國矣

事殊難測 ○前報皇太后調取法國駐京使署之醫生診視 上病一事茲接前途續信謂細診 上恙不過係屬血虛并無重恙云云是說也頗覺可疑夫前報則云有人問及 上之踪跡該醫竟緘口不言乃何以今又有是語是誠令人難測也

替駕被拿 ○津那西人來信云當前日之追捕康有為也天津官場聞康已出大沽爰即發命令飛鷹獵船追之不意竟無所獲空勞往返茲悉該船管駕因此一事經已執禁固圍之中矣

遊旌已返 ○歸英保護諸穆拉油地總參政瑞公前日駕來叻地一事已經登報茲悉瑞公旌節昨已由叻乘坐原來官輪言返吉隆任所矣

美軍略地 ○華盛頓來信云美廷因班官獻出山知亞俄當經美水師統領委員接收訖茲將所定章程刊布宣示如左 一逃難百姓二十餘萬均回山知亞俄兵丁不得騷擾 二美國即添設步軍邏卒一隊分布駐紮街衢路口以防奸究瀾迹 三美國行營醫院准班車受傷患病者在內醫治 四所有山知亞俄全省兵丁除駐紮呼耳古恩一軍共一萬人仍歸提督督費統轄外皆赴山知亞俄之美營內投降 五美軍所占之山知亞俄界址自山知亞俄海灣西二十五啟羅邁當之阿非爾拉代維地方起至海灣東北偏北二十七啟羅邁當之多斯巴爾嗎地方復有該處折向正東偏北格林威亦撤古瓦該地在經緯七十五度五分該處有河亦名格林威亦撤古瓦即以該河之下游為界計所占之地段面積共一萬啟羅 六該處炮臺及營壘尚完整均交美軍接管 七班軍降者均將軍器交出 八各教堂器具陳設准由班人自行運往別處 九班人須協助美軍將口內暗水雷撈起 又云美波爾爾次曼來電云是日美運船載運俘虜九百名在該口登岸統計前後共獲虜一千七百名其內多有受傷患病者現已病故十名據醫云此一千七百人內傷重者甚多必陸續死亡殆不止五百餘名也譯德國

犯黨瑣述 ○京師猝變多官被殺情形本報已書不一書茲閱申報載諸員被謫情形有為前報所未及者亦有前報已錄而小有異同今閱此言可以相與發明者爰再錄之如左據云自康黨禍起京官咸願惜身家多所避忌康弟廣仁之死至無敢收其屍者其衣衾棺木悉由南海會館長班代辦遲至日暮始由長班潛往棺殮昇去都中舊有廣東義園值年京官為楊少可馬頤因康係欽犯不許康弟寄埋園中劉革職侍郎張樵野奉 命遣配新疆次日出都小寓西便門外天寧寺古剎中勾留十日祖饒之入祇有各國駐京洋員其平日寅僚則已踪跡杳然革員王照之兄王燮現任京師左營遊擊王燮吏部行走主事兩人官署私宅均被步軍統領飭差往搜並無王照踪影遂傳該兩員赴步軍統領衙門問話兩員稟稱素與王照析居從不干預其事反覆究詰各無異言乃從寬釋之便去



湘人憤懣 ○字林西報又云湘中人士聞 朝廷誅戮維新之黨甚屬不平且聞兩廣有土匪煽動情形擬簽資為助故月前有西粵
土匪為官軍所迫逃往湖北地面者湘之士人亦庇護之信如其言則民心不可開矣刻下之秉國是者其知之否

姑妄聽之

○某員張陸桓出都往戌經已迭登前報而刻譯上海字林西報則其所言與前云張陸桓被殺之說暗合而與所言出都
之事差殊者事之真偽未知惟既有是言不便畧過閱者請驗於將來可也據該字林報云接北京來電謂張陸桓被殺之日取道於西門解差
十名另其從人兩名廚子一名僕僮而往不料 皇太后預有慮死張陸桓之心故雖英日兩公使求情終置諸弗恤於張陸桓起身
後即由刑部撥一心腹人預持死詔往取張陸桓之命但囑以便宣行事務務求慎密俟至幽僻之地始可下手並將張之隨從一概殺却以滅其
口詎該心腹人性命急不耐於出京後四日即願便將張縉殺並及其驛夫廚子兩長隨幸長隨二人其一見機潛遁故其事乃揚否則一網殲
之死得不明不白矣當 皇太后之發此黑詔也惟親信人數名始知其事云

西卑利亞被虐記

○有西人遊西卑利亞回者述云前年十月間某日有二人乘馬車一輛至西卑利亞烏克布爾官礦地之巨礦局
車中坐客一為巡捕一為西籍犯年約廿五歲發往西卑利亞行道之辛苦業已備嘗刑具不離身者兩閱月矣由吉府至聶爾頓斯克沿途不
曾換車同來之捕穿深藍色之衣頭戴一藍馬車帽至局門即先入局呈遞文憑開明發來緣由及所科定之罪甫入門見有一犯人由內突出
巡捕幾被撞倒此人之面擁腫不堪兩手緊擱在背後乃當苦工之犯人欲私由阿克河此克之船塢逃出今被執獲將其收禁阿克尼亞之
獄查阿克尼亞之獄在聶爾頓斯克左近因徒畏之無不喪胆雖以西卑利亞之殘酷成風仍不及此獄之尤甚也逃犯面上用黃強酸將面
皮燒爛蓋欲將面上之賊字鈐印毀滅未果故形狀極為可慘逃犯哀告曰我渴甚五中發酸請與我水飲官差不之顧將其繫於車輪之上局
內又聞胡琴之聲似有人奏法國之樂頗有精神又聞有人聲似是教人跳舞旋聞脚聲小孩笑聲逃犯又哀求曰請與我水只一滴足矣新來
之犯見而憐之然不忍久看乃顧其左右周圍小屋約有百餘戶均係礦工所居之所另有公館數家乃官員紳士所居者另有兵房獄卒
局教堂醫院觀其情形毫無生色頗令人煩悶不適也住房之後有山焉其名曰雅布羅架山嶺積雪山脈向東其中之崖深三千仞即在此
此山中血紅石之下各水動即成冰故水機不復旋轉頗類大刑具然凍風從山下出小冰片隨風吹出刺人之面痛如刀割故囚徒更受此種
之苦新到之犯舉目向天有不忍之色俄而心中忽起希冀之想以為自問無愧并未嘗作惡故怒目以視挺身作不服狀似圖逃意至此逃犯
有呻吟之聲局中有小女子二人出偕同奏樂師出觀囚徒奏樂師品貌齊整約四十餘歲舉止頗奇觀其狀貌非類俄人觀其行為亦非囹圄
之人非主非僕不受人制亦不制人渠行前與逃犯說俄國語言不甚熟悉問逃犯因何事如此呻吟歎歎相問似有惻隱之心逃犯曰犬輩將
置我於死地臟腑中渴如火焚樂師在懷中取一小空瓶授其學生往取水乃將水滴於逃犯口中逃犯僅說一謝字樂師問曰逃而未果乎君
知後日乎逃犯曰何謂也樂師曰皮鞭五十下乃最輕之刑罰或有不以此數者逃犯曰或者不死亦未可知事畢余當浮一大白以恭敬我大
皇帝我種諸人之父也樂師行至新犯人之前低聲曰渠輕率狂言少刻受鞭二十下則已僥矣新犯聞之不覺心中酸楚曰如余逃亡被獲亦
當受此刑罰官差視余與彼有何異然頃頃君動一片惻隱之心濟該犯之危困其情可感余亦當鳴謝言已舉手樂師握其手曰余甚願與君握
手何勞敢齒余無所畏牢獄巡捕礦山全然與余無涉余乃巴黎人以教跳舞為業君曾至巴黎乎言至此巡捕至礦新犯進內見捕頭樂師再
舉手乃握其手曰珍重堅忍言罷而出捕頭身材小無鬚骨格高大兩目灼灼命其脫身上之衣至齊腰際乃按文查驗是否相符少者頸上懸
一小照相盒新犯以手護之恐為人所奪去捕頭問曰請與我驗視新犯曰此少艾之像乃詩人戴畫多夫之女現在亦係囚犯其女已隨父到
捕頭曰戴畫多夫父女余曾見過渠曾在此礦中工作新犯問曰後事何如捕頭曰已將其罪減轉現在伊爾庫斯克工作言畢捕頭將新犯
之名登冊列其數為一千三百六十七號人犯并囑手下人將伊帶往礦中工作交與總獄卒曰伊爾庫斯克今日又有新犯一名補爾手下之
缺額總獄卒曰本禮拜又死三人乃取牌單預備登錄捕頭曰此犯名葉果爾薛減瑞夫願余代爾書乎總獄卒曰余能自書且現在所差不過
一二數目而已此犯號數為幾何捕頭曰第一千三百六十七號往第十五號班房二人正在問答之際葉果爾爾新犯細看總獄卒之面見其人
相貌端正面色經久曬黑心術似近正派手中持有鐵絲鞭然不類管獄卒頗似有司之貌總獄卒伊爾馬克將鐵鞭舉起曰由此路往
工作切當牢記在心不可偷安余當隨時察看礦中工人多着羊皮之衣靴足均甚醜陋見新犯衣裳和暖足着厚犬皮靴其零碎小件諸多齊
備是用大價錢購買相形之下先至者皆怒目視之有一人導其下樓一梯約長四百碼礦中之牆挖有小孔內置有燈光亮甚暗雖偶然有駐
足之處究竟太小葉果爾爾聞拋石之聲滿洞中均有灰塵氣味甚臭犯人多半長髮長鬚不梳不洗面面上均有賊字鈐印衣背釘有方塊殺人者
其方塊為紅色強盜者其方塊為黑色放火者其方塊為黃色葉果爾爾頗難忍耐此尚是開羣第一義礦中所任之羣乃取錫及錫鐵偶聞鐵
鞭之聲則號咷之聲大作葉果爾爾將拋礦石不料四肢無力總獄卒向前舉鞭問曰爾或者需余勸汝工作乎葉果爾爾大聲呼曰爾如擊我余必
與爾拚命言罷甚怒向總獄卒猛力一擊不料獄卒雖然怒目而視然并不回手良久葉果爾爾於地恐因盛怒傷人向葉果爾爾曰余有擊殺爾之權
然余怒爾罪余之子惡貫滿盈今日受爾之苦余不回手者實因子之故耳言已返身而去葉果爾爾不勝駭異之至

叻柔交涉案錄 ○前報棉示必洋行藍烟筒火船局管銀之叻產潮人李建霞虧欠公項七千餘元走匿無踪一案茲悉李匿於柔屬之李厝港業由柔官拘獲訊明解回本坡歸案訊辦又柔佛穆拉油差休實嗎寅於月之上浣由柔走匿初六日即經本坡暗差在峇釐實知路將其執獲昨經府尊訊定照例將犯暫押半月以候柔佛備文提解

揭帖四播 ○十六日下午有人在叻地四處遍送傳單閱其單內所言係屬近來京中時事前半則彙集各報紙之紀載約畧編成後半則臆列深宮惡跡洋洋數千言之夥其單首書南洋列位諸公聯鑾來書鏡湖同人拜上詳觀一遍似係內地之人深嫉宮庭之變而憤作此言者惟其命意措詞均多不是開口即令人知其係為惡黨而其所言則為私而非為公之處亦可一望而知末後儼然欲令在洋之人稱兵內向此語尤屬大為不可夫此等文字最不易為善於言者則固可以激動人心若夫徒洩一時私憤而冒昧出之祇足以供人之笑罵而已於事實究何裨乎今此傳單經已遍佈叻中本報有清議之詞故不得不明論其得失以爲眾告

沉船兩誌 ○閩人林某於前數日駕駛金瑞利柴船由致和港之申捧地方初九夜駛至麻六甲之蛇嶼前忽遇風浪大至該船抱持不定以致觸礁而沒幸林等尚知水性得以晃泅登岸旋赴某輪船以回叻地據其所遭如此又據閩人陳貴赴案報稱十六早偕同二伴由柔佛駛一小船來叻船中滿載椰衣詎駛至浮羅迷耶之處該船遭風沉溺幸船中諸人尚屬平安云可見近來海面風浪之狂矣

被搶報案 ○妓女梁亞嬌昨赴美芝路差館報稱向在小坡新街瑞香樓爲妓十六晚八點餘鐘之際在於寮前開立詎被匪徒三名搶去銀鑲鎊銀二股金釧一隻共值銀二百五十八元請爲查緝云云在人門前亦敢公然強搶亦可謂猖狂極矣

府案摘登 ○第二百五十九號巡差執控閩人高炳陳拱二名於案據稱十五夜在望古街當值見高深夜在於暗處往來形跡有異知欲圖竊上前查問反遭毆打陳并帶毆嗣經招到他差始得將其執獲云云十七日府尊訊畢判高圖竊之罪監禁半年毆差之罪監禁三閱月陳則監禁兩月○十五日暗牌總差親率暗差二名至粵海廟前某舊器店內查搜賊匪因被搜有貨物留車妥將潮人蔡耀茂及店東閩人陳清林張昔執送於案旋又在該街某舊器店查搜一周因被搜出樹乳索二綑并大小銅釘等物因將閩人葉毛拘送於案均於十七日由府尊提訊訊畢後命展至廿四日再訊被告各責保二百元惟蔡則責保五十元又聞有暗牌華差十一名穆拉油差二名均於此案有關業由巡捕官將諸差扣留以候查辦 古窰人巴里簡於十五日乘坐手車道經十三行後被閩人陳裕搶去錢鋪三元經差截獲同日府尊訊定判陳監禁四十二日○前報閩籍老婦蔡會氏乘坐手車道經府署後街被閩人陳五搶其金耳環一對值銀六元一案同日已由府尊訊定判陳監獄半年另答十五藤示儆

五續審官定職摺 ○第十五條道員同知通判 外官古分親民釐務二等今道與同通除地方外別有專管事務員缺順治康熙時屢裁屢復時併時分大都視其奉之繁簡非有定也咸豐以來時事日變舊制既無此官則姑設一局以理之續興一事又添一局遂使天下之官爭以求差爲務而軍國重要適爲官途營利之資數十年來所以日講自強而無效也今鹽糧等道員同通已分別繁簡存撤局所冗員一律裁盡宜因此釐定規制以責實效一反從前權宜苟且之爲擬請於南北洋各設商務道二員商務同知通判副之分理所屬輪船招商製貨局廠及稽查電報郵政銀行鐵路一切通商事宜湖北酌設道一員同通副之專理製造機器槍炮局廠事務江南湖北酌設商務道二員同通副之江南於康熙時本有船政同知今宜復設並添通判均管廠場督造兵商輪船礦務盛處如漠河湖北酌設礦務道仍隨礦利之盛衰爲裁置各關監督改爲關道學政分別省分復爲學道凡新設各缺如製造諸務實難遽易手准由現辦人員內按品揀補及分別在實缺上行走以後各省候補道員同通令專歸一項候補除候補地方員缺外其事務員缺仍各分班候補先在所候各缺上行走以資歷練不准另派委員庶分發候補人員不至閒曠 朝廷亦得實用且不至用違所長而奔競之風不禁自息一舉數善之法似無過於此矣○第十六條知府 知府監臨之官職在督率學校農工商藝擬歸入州縣考成一州縣之事多有與數州縣交涉者化畛域村諉御或通力合作或因重舉必須統籌兼顧措置宜宜郡城學校爲中學學堂書局切實辦理外每府設官報館開通風氣各屬申報籌辦情形概用說帖批卷以後酌發報館登載藉資講求至知府考成應以所屬政治之修廢爲斷將各州縣職事舉劾之員通按十成計算舉過八成爲上考五成爲中考二三成爲下考惟州縣之舉劾既關知府考成則大吏參劾州縣不必仍由知府稟揭○第十七條推官 教養爲富強之本中國官以萬數其與民相及者爲州縣州縣所以治民者不過刑名緝捕然責之未嘗不備而行之實有未善近年臣工條奏教養事宜議准通行者前後無慮數十起未聞一處實力奉行直省州縣二千五百餘員非必盡無振作也州縣大者數百里小亦百餘里即論刑名緝捕二事已極殷繁至於兼三兼四要缺雖以精明強幹之吏彈力竭慮慮得無誤而錢穀之期會甚迫民教之調處尤難若再以學校農工商工藝諸務責令振興雖古循良豈能勝任西國設官分主民事而巡審李審月審獄訟之專官尤詳我 朝順治康熙時每府設有推官秩同知縣進士則推知用考滿則推知並升主事行取則推知同御史今宜復其官而變通之每州縣設推官一員品級升途州推與知州同縣推與知縣同專主緝捕盜賊審理詞訟爲地方問刑衙門吏目典史屬之其捕盜拿犯即用汛兵民壯協捕之練勇團防即歸管帶不必派委管官

與知縣同專主緝捕盜賊審理詞訟爲地方問刑衙門吏目典史屬之其捕盜拿犯即用汛兵民壯協捕之練勇團防即歸管帶不必派委管官

與知縣同專主緝捕盜賊審理詞訟爲地方問刑衙門吏目典史屬之其捕盜拿犯即用汛兵民壯協捕之練勇團防即歸管帶不必派委管官

與知縣同專主緝捕盜賊審理詞訟爲地方問刑衙門吏目典史屬之其捕盜拿犯即用汛兵民壯協捕之練勇團防即歸管帶不必派委管官

與知縣同專主緝捕盜賊審理詞訟爲地方問刑衙門吏目典史屬之其捕盜拿犯即用汛兵民壯協捕之練勇團防即歸管帶不必派委管官

設立武職初設之時暫於候選候補州縣人員內考試判詞錄取補授州縣以上各員亦准其改就推官以後科舉及一切正途推知並用刑官既立而教民養民諸政乃可備青較民之官矣 第十八條知州知縣 民為邦本今日最妨吏治使善政皆成弊法者殃民之吏役也吏役盤踞衙署無法可治惟官制變而害自除刑名專屬推官則州縣衙門所有胥吏數十多者百數白役數百多者千數俱可淘汰淨盡祇存例定名數而不律設權徵取章程捐借條款分別刊碑懸揭以徵眾信自無浮冒苛勒之弊而刑錢分掌地方官亦不能以酷濟貪於是官與民親乃可專意於教養一學校曰文藝曰武備一農課曰農桑曰畜牧曰種植曰礦產一商務曰貨曰幣一工作曰製造曰工程製造曰製貨曰製器工程曰水利曰道路督同學會紳士切實籌辦仿稅務司申報總稅務司之法按季分條詳具說帖一申府一申藩一由藩司核訖達部說帖官用印紳用押皆有事實器數非可空言搪塞督撫考其功過年終一舉劾三年一大計隨其事之修廢而黜陟之而新政無不舉矣然舊制尚有宜改定者一計典分上中下九等專主考績貪酷八法定為隨時參劾之格一委署全行停止缺出由同城官暫攝嚴立請補限期擬補之員先飭赴任一捐級不准抵銷處分一同知直隸州通判除京員實缺截取外專作為推官州縣升途庶勸懲既有實際吏治可望起色矣 此摺已完

上海自來火公司發售煤油告白 ○啟者茲上海自來火公司立約售賣之烏煤油計至西一千八百九十九年嗎只月二十號即已到期不日即欲招人入票承買此油用特先行佈告至該公司所出之烏煤油每年可得十五萬牙蘭之譜併此佈聞

西一千八百九十八年屋多末月十二號 機器師經喜勝奉眾協理人命謹啟

憲 大英欽命新嘉坡輔政使司 為招人投票事照得本坡獄內於西一千九百九十九年內所用以下所列之物欲招人入票承充茲各將物開列如左

上等白沙籐每担價銀若干 麻六甲籐每條長七英尺半圍計一英寸二五 尋常圓籐每担價銀若干 水籐每担價銀若干
寶牙籐每担價銀若干 長籐條作籐簾者每担價銀若干 石籐每担價銀若干 椰絲每車價銀若干

示 以上各物有欲入票承充者其票務於西本月三十一號即華九月十七日以前送交本署以憑選擇至於棄取之權任由國家主奪不得執價低者得之說相爭各宜踴躍切切特示 大英一千八百九十八年十月十八號 示

示 招人除糞示 ○大英欽命新嘉坡輔政使司 為招工除糞事照得本國家欲招人承充本坡國家總醫院及瘋癲院內除糞之役此役係由西一千八百九十九年然花里月一號起至西利心末月三十一止為此示仰商民人等知悉爾等有欲承充此役者可於西一千八百九十八年忽民末月十五號即華十月初二日以前入票投交本署以憑選擇凡投得者須於每日早由六點鐘起至七點鐘止前往清除但入票之人務須聲明其糞欲如何運法及置於何處作何所用然須遵照工部局章程辦理方可至於棄取之權任由國家主裁不得和爭其餘詳細情形可向國家總醫院及瘋癲院詢問便得各宜踴躍慎無觀望特諭 西一千八百九十八年十月十八號 光緒廿四年九月初四日 示

示 寫生妙手 ○陳君湘崖潮州人也性倜儻不羣彬彬然風雅士善書法且精繪事暇時藉以自娛不肯輕示人故知者寥寥昨於友人處見所寫花卉條屏骨格蒼老氣味悠長神品也彷彿任伯年先生手筆余雖門外漢亦展玩不忍釋手君住甲橋頭年盛號內同道者盍一訪之方知予言不謬謹誌數行以深景仰 大清光緒廿四年九月十五日 隨使英義比國駐坡委員洪錫昌謹告

示 堪輿妙術 ○即用訓導林明長茂才聞之永春人也術擅堪輿為人忠厚樸誠世以地理著名茂才既得祖傳兼承異授不惟尋龍點穴獨具隻眼裁法幹旋別有匠心即斷土色論吉凶評燥濕歪斜亦無不如响斯應六月間為陳合春裁擇佳壤延請地師不少獨茂才所斷毫釐不差足信學有淵源名不虛著即楊會再生亦不過是現寓做齋內凡有志求子眠佳穴者請嘗試之方知予言不謬也特此佈告 光緒二拾四年九月拾三日 集文齋主人林米達謹啟

實勝越禁止載運日銀入口示 ○特諭通知西本年屋多末月十八號實勝越國家新訂一章此章立後凡屬日本銀元概不准載入實勝越地方倘諸式人等有載運此銀入口者即將其銀充公特此佈告 西一千八百九十八年屋多末月十八號 在實勝越居精榜示通知

旺梨園出投 ○啟者茲定於忽民末月八號即華本月二十五日禮拜二下午二點半鐘在本館內拍賣 旺梨園地一坵坐落淡申律距坡約有七英里之遙大約有一百二十六畝葛但該園地附近武吉加籠之處內有少許土蔘雜其中 諸君有合意購買者其拍賣章程應俟屆期再行通佈此達 大清光緒二十四年九月初十日 吧越館主謹啟

在實勝越居精榜示通知 旺梨園地一坵坐落淡申律距坡約有七英里之遙大約有一百二十六畝葛但該園地附近武吉加籠之處內有少許土蔘雜其中 諸君有合意購買者其拍賣章程應俟屆期再行通佈此達 大清光緒二十四年九月初十日 吧越館主謹啟

敬告求書 ○張君鶴棲瀨江之風雅士也幼就學於施少愚太史之門遂得筆法儒雅名噪一時茲因孫山落後偶作南遊於中秋節日抵叻行裝甫卸素耳其名者踵門求書如山陰道上應接不遑矣現假寓於豆腐街順昌隆行中余忝知交有素敬獻數言於報端以俾同好者知方換焉可
光緒二十四年九月初六日 友蘭居士陳少季佈

退股聲明 ○啟者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園今將全盤生理項與兩益堂承受所有欠到各寶號貨項揭項借項會項一概歸兩益堂支理至本埠及外埠各寶號欠到乾泰廣德生賬項亦盡歸兩益堂收理特此聲明以免後論
光緒二十四年九月初三日 乾泰號 廣德生謹啟

承頂聲明 ○啟者茲新嘉坡漆木街門牌第三十五號乾泰號並金榜大馬路門牌四百三十六號廣德生醬園全盤生理貨物賬項舖底什物一概歸我兩益堂承受凡有欠到各寶號貨項揭項借項等件祈早日報明歸兩益堂支理至本埠及外埠各寶號欠到乾泰及廣德生各賬項亦盡歸兩益堂收理今兩益堂將乾泰及廣德生兩字號加多信記二字照常貿易凡以後來往數目俱用乾泰信記圖章為據特此聲明以免後論
大清光緒二十四年九月初三日 兩益堂謹啟

精製眼鏡告白 ○眼科之理甚微難簡述約而言之則人之眼目雖稟賦不一然每至年老則恒兩目昏花此等眼患乃世人所不能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中定於西本月二十四號即華九月初十日再在土庫花園邊末打里路第三號門牌內創設查考眼目之房一所每日由上午十點鐘起至下午四點鐘止均在此處接教至於尋常眼目之眼鏡則每對僅沽銀三元凡諸君到請查驗眼目者概不受謝併此佈告
西歷一千八百九十八年十月十號 刺沙勝士謹啟

蓋聞藥酒之功用甚宏何以市井懸壺屢試罔驗此非藥酒之不效殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又軍中跌打藥酒如跌打刀傷積瘀暴腫服之併可舒筋絡而止痛痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角以上各項藥酒皆本軒精心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡南街廣茂 異常經緯皮數井然不紊所謂羅千里於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也
大清光緒二十四年六月廿九日 時雨軒主人謹啟

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒廿四年七月初三日 叻報館代啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆定於九月晦內動身其潤資均照舊例新到上海及金榜箋紙寄售
光緒廿四年七月十八日 啟

店舖出稅 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊邦路頭豐興號內向余詢問便得特此佈聞
光緒廿二年十月廿四日 薛連錫謹啟

新印台灣地圖寄售 ○啟者茲有新印之臺灣地圖精細異常經緯皮數井然不紊所謂羅千里於咫尺者目今台事戰爭未生號寄售 一在芙蓉埠廣生號寄售 一在吉隆坡恒棧號寄售 已有正人心所宜亟為攷究者 諸君賜顧請移玉至本館面商可也
大清光緒二十四年六月廿九日 時雨軒主人謹啟

豐源號輪船開行日期
本號輪船往來各埠船期開列如左 在各埠往實叻日期
由麻六甲往芙蓉每逢禮拜二六日中午十一點鐘開行
由各埠回實叻之日
由麻六甲回芙蓉每逢禮拜二五日上午十點鐘開行
由芙蓉往吉隆坡每逢禮拜二六日下午六點鐘開行
由芙蓉往芙蓉每逢禮拜二四日下午四點鐘開行
由麻六甲回實叻每逢禮拜二五日下午四點鐘開行
各輪船在叻往麻六甲吉隆坡實蘭午 等禮拜五日三點鐘開行特此佈
豐源號謹啟

正金鐘標萬蘭池酒發客

啓者本公司所督辦正金花鐘標萬蘭池酒久已馳名叻地諸華商均喜用之現已議定與本坡酒公司包辦以應零沽凡華籍諸君有欲零沽者請至酒公司沽買便得如買成起以便配往外處者仍可至本行沽買至此酒




所上有各票如無本行丕鈔呼峇華字者即爲假貨幸勿爲之誤買本行有厚望焉 大英一千八百九十八年正月十三號 丕鈔呼峇即前加珍洋行謹啟

戊戌年月份牌發客

啓者本館新印戊戌年華英月份牌現經告竣至本年刷印所以畧遲之書實緣明年晦朔節氣頗有差本館鑒於前年叻地諸家之快故有敢冒昧從事爰特按照 欽定時憲由詳加校勘所有差餘氣節悉無訛舛庶得以仰副 諸君子惠顧之殷至於圖畫之式亦已概改舊觀以期一新眼目 諸君賜顧請移 玉至本館面議價其相宜倘欲躉買更當格外從廉特此奉 聞諸惟 惠照

本館謹啓

鐵廚出售



製造之法 精妙異常 酒味甚清 以之蒸釀 者皆爲上 等之料保 無僞充之 弊此酒若 在本坡沽 飲甚屬合 宜且價亦 甚廉 翁沽用須 爲留心辨 明以免魚 珠之混現 在市上假冒者甚多以 認明認顧光君諸庄原木東膠係前 丕鈔呼峇即前加珍洋行謹啟

大英一千八百九十七年二月十二號

丕鈔呼峇即前加珍洋行謹啟




Bisquit Dubouche & Co. COGNAC

啓者本公司所製之紅首冠仔標萬蘭池酒馳名已久乃在歐洲名家所製自一千八百一十九年相傳至今已閱八十年之久而其酒有收存數十年方肯出而沽賣蓋者其熱氣概已全消所以 諸君沽飲者均深譽現現在歐洲一帶各國之人無不喜飲此酒因其氣味清香遠勝於他酒故也是以本行特辦此酒來叻發售自此酒到叻而後凡沽飲者無不盛稱其美且此酒與本坡天氣甚屬合宜諸翁賜顧祈細心辨認紅頭庄及以上所列各票頭并有來士古乙拿模只公司等西字爲憑庶免爲魚珠之混是所切盼


敢者本行所售之鐵廚在本坡馳名已久素蒙 各君購用莫不盛稱其妙計此廚之大小共有五種而價甚相宜此鐵廚乃歐洲著名工師所製極爲美善本坡所有西人齊習人以及椒蜜生理諸華商多向本行沽買以爲貯銀之用因本行所沽者均用頂上物料製造而成不惟能壯觀瞻兼且異常堅固無論火燻盜劫均可無虞貨美價廉莫此爲甚倘 各君有欲購此廚以收藏重寶者可至本行選閱是幸此佈 大英一千八百九十八年正月十三號 丕鈔呼峇公司即前加珍洋行啟

馳名鐵廚發售

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商




所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

諸君有惠顧者祈即玉 明嗎也洋行謹啟

三品出售

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠情殊可恨嗣後諸君購買本行白頭三品酒者請細認本號招牌之內



有小紙包頭註明華字新嘉坡明嗎也一司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟

烏密酒發賣




啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

蜜酒出賣



啟者茲本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往加勝巴三寶瓏酒里末望加錫檳榔嶼日裡等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟



網略	施谷汝輪船	二十日	上午九點	棉示必洋行
檳榔嶼	喜美輪船	二十日	下午二點	棉示必洋行
日裡	又	又	又	又
吉龍	庵穀士輪船	廿一日	下午二點	豐源號
大白蠟	又	又	又	又

前途來電云英國郵船名巴勝馬打於本月十五日由香港
 啓程來叻定於本月廿一日禮拜五即能抵叻上落客貨畢
 即往歐洲等處矣